

Morning Dogri (NSD) Bulletin

09-04-2025

- प्रधानमंत्री नरेंद्र मोदी हों नमें वक्फ कनून गी सामाजिक न्याय दी दिशा च महत्वपूर्ण दस्सेआ ऐ।
- प्रधानमंत्री मोदी होर नमीं दिल्ली च नवकार महामंत्र दिवस च आयोजन च हिस्सा लैरदे न।
- राष्ट्रपति द्रौपदी मुर्मू होर पुर्तगाल दी सफल जातरा दे बाद स्लोवाकिया पुज्जी गेइयां न।
- डोमिनिकन गणराज्य दी राजधानी च नाइक् क्लब दी छत ढहेई जाने करी 66 लोकें दी मौत।
- अमरीकी समेयान पर जवाबी शुल्क हएाने कोला चीन दे इंकार दे बाद अमरीका नै चीन सोआं आयात पर शुल्क बदाइयै 104 फीसद कीता।
- आई.एस.एस.एफ विश्व कप च विजयबीर सिद्दू अर्जेपीना च 25 मीटर रैपिड फायर पिस्वल स्पर्धा च सुन्ने दा तगमा जितने आहले पैहले भारतीय बने।

<><><><><><><>

PM-Waqf

प्रधानमंत्री नरेंद्र मोदी हों आखेआ ऐ जे संसद च वक्फ संशोधन बिल दा पास होना समाजी न्यास दी दिशा च पुट्ठी गेदी मते महत्वै आहली गैह ऐ। मुसलमानें सने सब्बनें समुदायें दे हितें दी राक्खी आहला इक शानदार कनून बनाने लेई संसद गी मुबारकबाद दिंदे होई प्रधानमंत्री हों आखेआ जे वक्फ दी पवितरता हून संरक्षित होग ते महिलाएं, बच्चें ते कमजोर लोकें दे अधिकारें दी हिफाजत जकीनी बनोग। प्रधानमंत्री होर जंदी रातीं दिल्ली च इक निजी मीडिया समूह आसेआ आयोजित कार्यक्रम गी संबोधित करै करदे हे। उनें आखेआ जे 2025 बरे दे पैहले 100 दिनें दरान सरकारै ना छड़े फैसले लैते न, सगुआं भविक्ख लेई इक मजबूत नीह बी रक्खी ऐ। श्री मोदी हों आखेआ जे पिछले 100 दिनें दिआं उपलब्धियां एह दर्शादियां न जे भारत गी हून कोई रोकी नेई सकदा ते भारत तरक्की ते नमी उपलब्धियां हासल करने दी बतै पर तेजिया कन्ने अगड़े बधै करदा ऐ।

<><><><><><><><>

PM-Navkar

प्रधानमंत्री नरेंद्र मोदी होर अज्ज नमीं दिल्ली च नवकार महामंत्र दिवस सरबंधी आयोजन च हिस्सा लैरदे न। इस मौके पर ओह सभा गी बी संबोधित करा'रदे न। नवकार महामंत्र दिवस आध्यात्मिक समरसता ते नैतिक चेतना दा स्रोत ऐ जेड़ा जैन धर्म दे पावन नवकार महामंत्र दे सामूहिक मंत्रोच्चारण कन्ने लोकें गी इक सूत्र च परोंदा ऐ। अहिंसा, सद्भाव, सौहार्द ते आध्यात्मिकता कन्ने जुड़े दा

एह मंत्र सदगुणें गी बदाइयै आंतरिक रूपांतरण दा माध्यम ऐ। नवकार दिवस आत्मिक शुद्धता, सहनशीलता ते सर्वहित पर मनन करने दी प्रेरणा दिंदा ऐ।

<><><><><><>

President-Murmu

राष्ट्रपति द्रौपदी मुर्मू होर पुर्तगाल दी अपनी सफल आधिकारिक जातरा दे बाद अज्ज बड्डलै स्लोवाकिया दी राजधानी ब्रातिस्लावा पुज्जी गेइयां न। राष्ट्रपति हुंदी पुर्तगाल जातरा 27एं बरें च कुसै बी भारतीय राष्ट्रपति दी पैहली राजकीय जातरा ही। दौनें देसैं दे राजनयिक सरबंधें च एह महत्वपूर्ण पड़ाs ऐ। विदेश मंत्रालय दे पच्छम मामलें दे सचिव तन्मय लाल होरें दस्सेआ जे पुर्तगाल दे लुइस मोंपेनिग्रो हुंदे कन्ने राष्ट्रपति हुंदी बड़ी सकारात्मक बैठक होई। दौनें नेताएं दपखिक्ख्या ते अंतरराष्ट्रीय मुद्दें पर तफसीली चर्चा कीती ते बक्ख-बक्ख क्षेत्रें च पारस्परिक सहयोग बदाने पर बल दिता गेआ। उनें एह बी दस्सेआ जे राष्ट्रपति मुर्मू ते प्रधानमंत्री मोंपेनिग्रो हुंदे मझापै उच्ची सतह दी वार्ता दे अलावा होरने बक्ख-बक्ख सतहें पर बी दपखिक्ख्या चर्चा होई।

<><><><><><>

Shivraj Chouhan

केंद्री कृषि ते करसान कल्याण ते ग्रामीण विकास मंत्री शिवराज सिंह चौहान अज्ज नेपाल च बिमसोक मुखें दे कृषि मंत्रियें दे त्रीये सम्मेलन च हिस्सा लैडन। बिमसोक बहु क्षेत्रीय तकनीकी ते आर्थिक सहयोग लेई बंगाल दी खाड़ी

स्थित देसै दी पैहल ऐ। कृषि मंत्रालय दी विज्ञप्ति मूजब चौहान होर नेपाल दे प्रधानमंत्री के.पी शर्मा ओली ते कृषि ते पशु विकास मंत्री रामनाथ अधिकारी हुं दे कन्नै बी मलापी करडन। जातरा दौरान दौनें मुख्ये बशकार कृषि खेतर च सहयोग दे समझौता जापनें पर दस्तखत होंगन।

<><><><><><>

RBI

रिजर्व बंक दी मौद्रिक नीति समिति दी बैठ प्रमुख नीतिगत फैसले दी घोषणा मगरा अज्ज सम्पन्न होग। प्रमुख नीतिगत दरे पर विचार आस्तै मौद्रिक नीति समिति दी बैठक 7 अप्रैल गी शुरू होई ही। रिजर्व बैंक दे गवर्नर संजय मल्होत्रा रेपो रेपू दे अलावा आर्थिक वृद्धि मुद्रासफिति, उपभोक्ता मूल्य सूचकांक मुद्रा सफीति ते सकल घरेलू उत्पाद वृद्धि दर अनुमाने दी बी जानकारी देडन। आर.बी.आई दे गवर्नर होर संवाददाता सम्मेलन गी बी संबोधित करडन।

<><><><><><>

Dominican Rrepublic

डोमिनिकन गणराज्य दी राजधानी सान्तो डोमिन्गो च कल इक नाइ क्लब दी छत ढहेई जाने करी प्रांतीय गवर्नर सने 66 लोके दी मौत होई गई। घाणा च तकरीबन डेढ सौ लोक घायल होए न। आपातकालीन संचालन केंद्र प्रमुख होरे जानकारी दिती ऐ जे मलबे हेठ दबे दे लोके गी बचाने दे जत्न जारी न। मकामी मीडिया दा अनुमान ऐ जे घाणा दे समे संगीत कार्यक्रम दिक्खने आस्तै क्लब च तकरीबन 1 जहार लोक मौजूद हे।

<><><><><><><>

US Dutes China

अमरीका च चीनी समेयान दे आयात पर 104 प्रतिशत शुल्क अज्जै सोयां लागू होग। अमरीकी राष्ट्रपति कार्यालय व्हाईस हाउस दियां प्रेस सचिव केरोलिन लेवि हों एह घोषणा कीती। चीनी समेयान पर एह शुल्क राष्ट्रपति ट्रम्प हुंदे दुए कार्जकाल सोआं पैहले लागू होए दे शुल्क दे अलावा होग। पैहले राष्ट्रपति ट्रम्प हुंदे जवाबी पैरिफ पैकेज तैहत चीन पर 34 फीसद आयात शुल्क लाया जाना हा, पर अमरीकी समेयान पर 34 प्रतिशत दा जवाबी पैरिफ लागू करने दे अपने फैसले सोयां मंगलवार तोड़ी पिच्छे नेई हने पर ट्रम्प हों चीन पर 50 फीसद दा पैरिफ होर बदाई दिता। एहदे कन्नै चीनी समेयान पर हून 84 फीसद अतिरिक्त शुल्क लागू होग। राष्ट्रपति ट्रम्प हुंदे पिछले हफते दी घोषणा दे मूजब यूरोपीय संघ सने होरनें देसें गी 11 फीसद कोला लेइयै 50 फीसद तगर दी नमी शुल्क दरें दा सामना करना ऐ। संयुक्त राष्ट्र महासचिव एन्टोनियो गुतरेस हों आगाह कीता ऐ जे बपार युद्ध च कुसै दी बी जित नेई हुंदी सब्भनें गी एहदा नतीजा झल्लना पौंदा ऐ पर गरीब ते विकास दी बतै पर पुरा'रदे मुल्खें गी एहदे कन्नै सब्भनें शा मता नुकसान झल्लना पौंदा ऐ।

<><><><><><><>

Myanmar-Earthquake

म्यामां च 7 इशारिया 7 दी तीव्रता आहले विनाशकारी भूचाल करी मरोने आहलें दी गिनतरी बढियै 3 जहार 645 होई गई ऐ। 5 जहार 17 लोक जखमी होए न जिल्लै के 148 लोक अजें बी लापता न। एह आंकड़े कल संझा उत्थूं दे प्रशासनिक काउंसल दी सूचना पीम आसेआ दस्से गे। संयुक्त राष्ट्र मानवीय मामलें समन्वय कार्यालय नै जानकारी दिती जे 5 लक्ख शा बद्द लोकें गी सेहत सरबन्धी महत्वपूर्ण स्थूलतां नेई थहोआ 'रदियां न। तोआई भारत नै म्यामां दी सहायता लेई आपरेशन ब्रहमा रम्भे दा ऐ। आपरेशन तैहत भारत नै म्यामां दी मदाद लेई कई ँन मेडिकल सप्लाई ते राहत समेयान भेजेआ ऐ।

<><><><><><>

ISSF-Cup

विजयवीर सिद्दू अर्जेपीना दे ब्यूनस आयर्स च आई.एस.एस.एफ निशानेबाजी विश्व कप च मर्दे दी 25 मी०र रैपिड फायर पिस्ल मुकाबले च सुन्ने दा तगमा जितने आहले पैहले भारतीय बनी गेन। महिला वर्ग च सुरुचि सिंह नै 10 मी०र एयर पिस्ल मुकाबले च अपना पैहला सुन्ने दा तगमा जितेआ। इनें 2 सुन्ने दे तगमें कन्नै भारत 4 सुन्ने, 1 चांदी ते 1 कैंस दा तगमा जितिए तालिका च पैहली थाहर पर पुज्जी गेआ ऐ।

<><><><><><>

IPL

आई.पी.एल ढी-20 क्रिकेड च अज्ज संझा अहमदाबाद दे नरेंद्र मोदी स्डोडियम च गुजरात ढाडडन्स दा मुकाबला राजस्थान रायल्स कन्ने होग। मैच संझा साड्डे 7 बजे शुरू होग। चंडीगढ़ च कल रातीं खेड्डे गेदे मैच च पंजाब किंग्स नै चिन्नई सुपर किंग्स गी 18 रन्ज कन्ने हराया। इक होर मैच च कल लखनऊ सुपर जायंट्स नै कोलकाता दे ईडन गार्डन्स च मेजबान कोलकाता नाड्डे राड्डर्स गी 4 रन्जें कन्ने हराया।

<><><><><><>